

TEZAU LITURGIC

1 MARTIE

ACATISTUL SF. CUVIOASE ZOSIMA SUHANOVA DE LA UFIMSK



MOSCOVA, 2000



Акафист святой преподобной Зосиме, Эннатской, Уфимской

Кондак 1

Избранной праведнице, дивной
предстательнице пред Богом, /пресветлому
светильнику страны Уфимския и Оренбургския,
/Боголюбивой и Боголюбезной мати Зосиме,
/благодетельными чудотворениями утешающей
и наставляющей поклоняющихся с верою святей
раце Твоей, /ты нас омраченных греховными
страстьми, просвети /и Твоими молитвами от
всех бед избави, да зовем ти:
Радуйся, преподобная мати Зосимо, /теплая о
нас к Богу молитвеннице.

Икос 1

Ангельский нрав и душу непорочную имея от
святые купели крещения, избегла еси обычных
света сего суетств и соблазнов, в тайне чистым
сердцем моляся ко Единому и Всеблагому Богу,
милостивно взирающему на кротких и
смиранных, сего ради вопием ти:
Радуйся, дивное явление святыни;
Радуйся, Отцу Небесному возлюбленная;
Радуйся, Сыну Божию вождеденная;
Радуйся, Святому Духу сосуде другий и чистый;

Радуйся, Царицы Небесныя пламенная почитательнице;
Радуйся, праведником святым всем сликовнице.
Радуйся, Троичного света зрительнице;
Радуйся, в Царство Небесное путеводительнице.
Радуйся, Церкви Христовой украшение;
Радуйся, земных упование.
Радуйся, венец нетления носящая;
Радуйся, надежда наша непостыдная.
Радуйся, преподобная мати Зосимо, теплая о нас к Богу молитвеннице.

Кондак 2

Видиши народ жития твоего образ странный и чудный, преподобная мати Зосимо, вельми удивися; тем же и мы, размышляя о твоих подвигах, поем Богу: Аллилуиа.

Икос 2

Разуму податися нам Божественному помолися, преподобная мати Зосимо, ты бо, Божественным сияючи светом, со ангелы водворяющаяся, прими от нас хваление сицевая:

Радуйся, мирский страстей непреимшая;
Радуйся, от младенчества молитву ко Господу устнами творившая.
Радуйся, родителей твоих почитательнице;
Радуйся, безмолвия любительнице.

Радуйся, страха Божия стяжательнице;
Радуйся, сверстников твоих пример
благодравия.

Радуйся, благочестия ревнительнице;
Радуйся, высото послушания.

Радуйся, Небесныя исповеднице;
Радуйся, Божиих дарований исполнение.

Радуйся, в человецех чудное удивление;
Радуйся, Слава Небесная.

Радуйся, преподобная мати Зосимо, теплая о нас
к Богу молитвеннице.

Кондак 3

Силою Божественной любви движима, стопы ко
Святому граду Иерусалиму направила еси, видя
Божественный огонь благодатный на Гробе
Господнем в Великую Субботу чудесно
возгораемый, и сим огнем освященная,
всехвальная мати Зосимо, устремилася
совершенно во след Христа Спасителя нашего,
тамо блаженный Андрей, на руки тебя
поднявши, предсказал подстриг в схиму
епископом Андреем Уфимским. Ты же во
умилении сердца воспевала Богу: Аллилуиа.

Икос 3

Имея помысл чист, вооружившись крепкою
верою в Бога, пути спасительного держастася,
преподобная мати Зосимо, его совершиста

преславно; народ же земли Уфимския и Оренбургския нача благоговейно тебе почитати, и мы, удивлением объаты, возносим к тебе хвалебные песни:

Радуйся, пламень любви к Богу имевшая;

Радуйся, не единожды в Иерусалим ходившая.

Радуйся, на гору Елеонскую восходившая;

Радуйся, воду из Иордана приносившая.

Радуйся, водою тою ножки младенца Михаила исцелившая;

Радуйся, монашеский путь ему предсказавшая.

Радуйся, в отрочестве Его крестом из

Иерусалима благословившая;

Радуйся, пред Гробом Господним молитвеннице предивная.

Радуйся, о всех верных ходатаице неусыпная;

Радуйся, постников благодатное удобрение.

Радуйся, преподобная мати Зосимо, теплая о нас к Богу молитвеннице.

Кондак 4

Бурю страстей многомятежного мира возненавидевшая, преподобная мати Зосимо, устранилася еси сует, ныне же к Богу предстоише с Небесными силами и поеши купно с ними: Аллилуиа.

Икос 4

Слышаще люди вернии о твоём святом житии, о мати Зосимо, просят тя: просвети и вразуми наши сердца, мы же с благоговением вопием ти сице:

Радуйся, тесный путь спасения возлюбившая;

Радуйся, младенческое незлобие имевшая.

Радуйся, благодатию нас озарившая;

Радуйся, имя Иисуса в сердце своем присно носившая.

Радуйся, ярем Господень на выю возложившая;

Радуйся, крест Христов радостно понесшая.

Радуйся, славу Божию умножающая;

Радуйся, Ангельскую чистоту являющая.

Радуйся, монашеского послушания красото;

Радуйся, Уфимския и Оренбургския страны священное доброто.

Радуйся, всех благочестиво жити хотящих наставнице;

Радуйся, делательнице благая.

Радуйся, преподобная мати Зосимо, теплая о нас к Богу молитвеннице.

Кондак 5

Божественным лучезарным светом явилася преподобная мати наша Зосимо всем притекающим к тебе. Всякие претерпела болезни, скорби, лишения, гонения; своей

жизнию показуеши пример благочестия, взывая к Богу: Аллилуиа.

Икос 5

Видя ревность твою, Господь призва Тя упасти овцы своя в годину гонений от безбожной власти; избранница Божия в земли Уфимской и Оренбургской явилася еси. Сего ради и мы, ликующе, воспоем ти:

Радуйся, строгой иноческой жизни держалася еси;

Радуйся, за твои молитвы грады и веси сохраняются.

Радуйся, истинная Божия угоднице;

Радуйся, Ангелом собеседнице.

Радуйся, долголетием от Бога одаренная;

Радуйся, Богом укрепленная.

Радуйся, об изгнании из обители предсказавшая;

Радуйся, сокровищ себе на земле не стяжавшая.

Радуйся, вражию лесьть не бояться нас научающая;

Радуйся, за землю русскую, попираемую, воительнице.

Радуйся, мудрая сестрам советнице;

Радуйся, Покрово- Еннатския обители хранительнице.

Радуйся, преподобная мати Зосимо, теплая о нас к Богу молитвеннице.

Кондак 6

Проповеднице смирения и покаяния была еси матери; примером жития твоего незлобие и всепрощение показуя, яко же свеще неугасимая тьму неведения и уныния от приходящих к тебе отгоняла еси и всех увещевала плоть покоряти и чистым сердцем пети Богу: Аллилуиа.

Икос 6

Возсияла еси на горах Уральских, яко столп утверждения верных, святая матери Зосимо, во мраке бытия сего светивший людям. Приемшая от Господа благодать разумения о Святей Троице во Иерусалиме, преподобная матери Зосимо, избавила еси скоро население градов Уфы, Стерлитамака, дальних стран и весей от вражиих наветов и просветила еси сиянием благодетельных чудес твоих. И ныне никто же умолчит вопити тебе:

Радуйся, стране твоей Уральской слава и утверждение;

Радуйся, веры православных среди неверных проповеднице.

Радуйся, дары Духа Святаго в сердце твое приимшая;

Радуйся, благодати Божией чистая струя.

Радуйся, именем Иисуса враги невидимыя отражавшая;

Радуйся, чистая птица, в гнезда небесных

приятая.

Радуйся, яблоко благовонное, верных души благоухающее;

Радуйся, прекрасная лилие, верных сердца улаждающая.

Радуйся, райского древа ветвь молодая;

Радуйся, дивный елей милости Божией нам источающая.

Радуйся, меч духовный подъявшая;

Радуйся, молитися за ны ко Господу дерзновение обретшая.

Радуйся, преподобная мати Зосимо, теплая о нас к Богу молитвеннице.

Кондак 7

Хотя человеколюбец Господь явити в тебе, преподобная, свое неизреченное к людям милосердие, показав ты яко воистину светило Богосветлое: скорым твоим ходотайством чудеса многия преславно совершаются. Ты же, старице богомудрая, и при жизни достигла посещения небесных служителей, благодарне прославляя Всевышняго Бога: Аллилуиа.

Икос 7

Новую видяще ты подвижницу и чудотворицу в земли Уфимския и Оренбургския, издалече притекаху к тебе вернии в скорбех и болезнях, егда источник близ обители ископала ты еси,

старице Зосимо, и благодать на воду сию у Святей Троицы испросила еси исцеляти телесныя и душевныя недуги. Сего ради зываем ти:

Радуйся, старице, раба Господня;

Радуйся, яко при жизни заботы Царицы Небесной сподобившаяся.

Радуйся, яко благословением и советами людям верующим помогающая;

Радуйся, яко из уст твоих верных благодатно напояющая.

Радуйся, прекрасный грозде, на трапезе Царевой положенная;

Радуйся, от Господа Бога даром исцеления и прозорливости прославленная.

Радуйся, и святыми небожителями неоставленная;

Радуйся, яко тело постом умертвила еси.

Радуйся, яко душу бденными молитвами оживила еси;

Радуйся, на мысленныя враги пост и молитву употребившая.

Радуйся, духовною пищею алчущия питающая;

Радуйся, святою водою из источника твоего жажду утоляющая.

Радуйся, преподобная мати Зосимо, теплая о нас к Богу молитвеннице.

Кондак 8

Странное и преславное чудо даровал ти Господь, мати Зосимо: болящих исцеляти и от ада спасати, от напасти охраняти. Исцеленные же тобою пели Богу: Аллилуиа.

Икос 8

Вся была в вышних и горе оком твоея души
взирала еси непрестанно. И ныне заступаеши
всех вопиющих сицевая:

Радуйся, провидице дивная;

Радуйся, Христу угодившая.

Радуйся, персте Божий, горняя нам указующий;

Радуйся, глас небесный, на подвиги всех
зовущий.

Радуйся, чистая голубице, ветвь райскую
имущая;

Радуйся, прегрешения сокровенныя прозорливо
обличаеши.

Радуйся, яко благодати всем просиши;

Радуйся, яко молитву о всех приносиши.

Радуйся, яко равноангельно пожившая;

Радуйся, свидетельнице нем жизни
безсмертныя.

Радуйся, грешников к исправлению
приводящая;

Радуйся, на путь спасения наставляющая.

Радуйся, преподобная мати Зосимо, теплая о нас
к Богу молитвеннице.

Кондак 9

Всю силу ангельскую, данную ти свыше, прияла еси, преподобная мати Зосимо, изгнати силу вражию, и того ради, с кротостью и смирением врачевала одержимых бесом, да сие чудо видяще, вси людие, прославиша Бога, воспевают хвалу Ему: Аллилуиа.

Икос 9

Витии моговещаннии не могут разумети, како ты обличала безумие мира. Имуще тя, изрядная угоднице Христова Зосимо, воительницу противу силы бесовския, теплую молитвенницу и предстательницу пред Господом о нас недостойных, любовью твоею побеждаемии зываем ти сице:

Радуйся, плотския похоти умертвившая;

Радуйся, добродетель укрепившая.

Радуйся, Святых Духом селение;

Радуйся, скорбящим утешение.

Радуйся, силу чудес от Бога явившая;

Радуйся, одержимых бесом исцеляющая.

Радуйся, бесовские силы прогоняющая;

Радуйся, козни диавольские побеждающая.

Радуйся, болящих здравие и врачевание;

Радуйся, бедствующих защитительнице.

Радуйся, ко спасению предводительнице;

Радуйся, Небесного Царя избраннице предивная.

Радуйся, преподобная мати Зосимо, теплая о нас к Богу молитвеннице.

Кондак 10

Спастися всем хотяи преблагий Господь, яви тя, мати Зосимо помощницу православным людям во время богоборных гонений. Видя твое безмерное ко всем благосердие, кто не умилится, поя Богу: Аллилуиа.

Икос 10

Стена еси и твердое прибежище нам, на земли Уральской живущим и к заступлению твоему прибегающим, чудотворице Зосимо. Тем же в бедах, скорбех, обстояниях и лишениях многие пребывающие, радуяся твоему о них заступлению, благодарне возглашают ти:

Радуйся, мира и всех его прелестей презрительнице;

Радуйся, труждающихся помощи.

Радуйся, унылых бодросте;

Радуйся, немощных укрепление.

Радуйся, молчаливых и кротких радосте;

Радуйся, образ Богу преданности.

Радуйся, наставников наших от пагубы охранительнице;

Радуйся, Божиих повелений исполнительнице.

Радуйся, броня правды врагов отражающая;

Радуйся, на врагов стрелы страха

испускающая.

Радуйся, щите твердый паче медяного;

Радуйся, защитнице наша неусыпная.

Радуйся, преподобная мати Зосимо, теплая о нас к Богу молитвеннице.

Кондак 11

Пение хвалебное приносим ти, мати Зосимо, по смерти возшедшая в Горний Иерусалим. Егда приспе время разлучитися от телеси, о дивная мати, с благодарностью возопила еси Богу: Аллилуиа.

Икос 11

Светило была земли Уфимской и Оренбургской и всех окрест лежащих земель, ты бо, мати наша Зосимо, присельшися на небо душею своею, показуеши путь истинному спасению. Сего ради, прославляючи Тя, глаголем:

Радуйся, день смерти своей провидевшая;

Радуйся, всех близких к себе собравшая.

Радуйся, погresti себя не велевшая, пока не услышат ангельского пения;

Радуйся, наслаждающаяся Небесного веселия.

Радуйся, благоуханием и светом

невещественным по смерти озаренная;

Радуйся, нетленною диадимою Царствия

Христова украшенная.

Радуйся, яко кончину твою колокола чудесно

известили еси;

Радуйся, гроб твой Ангелами сопровождался еси.

Радуйся, Херувимской песнею твое успение ангелы воспеша;

Радуйся, яко на могиле твоей столп огненный многим явился еси.

Радуйся, яко от гроба твоего вернии получают исцеление;

Радуйся, телес наших здравие и душ спасение.

Радуйся, преподобная мати Зосимо, теплая о нас к Богу молитвеннице.

Кондак 12

Благодать Божественную испроси нам, святая угоднице Божия, да научит ны подражати тебе в чистоте ангельстей и незлобии, да направит сердца наша к смирению, покаянию и неослабному исполнению заповедей Христовых: да дарует нам христианскую кончину и безбедно проведет нас через воздушные мытарства, да сподобимся тамо узрети Великого Бога и вечно пети Ему: Аллилуиа.

Икос 12

Поюще твое житие, восхваляем подвиги твои: пост, молитвы, всенощные бдения, плоти умершвление, духа сокрушение, смирение, кротость, безмолвие. Ты нам, мати преподобная,

на пути правом луч еси указующий. Сего ради прими пение похвальное:

Радуйся, безропотно путь земной совершившая;
Радуйся, по кончине обитель Покрово-
Еннатскую пришествием своим
благословившая.

Радуйся, взором невидимо в ней прибывающая;
Радуйся, яко в ней ныне мощами твоими
почивающая.

Радуйся, яко подвизающимся инокам благодать
подающая;

Радуйся, души наши к стопам Господа
повергающая.

Радуйся, страны Уральския новый щит и
ограждение;

Радуйся, людям ея от искушений вражиих
схимнице непреступная.

Радуйся, твоими чудотворениями Имя Господа
прославляется;

Радуйся, яко имя твое во всех пределах земли
воспевается.

Радуйся, Церковь Святую от раскола и неверия
сохраняющая;

Радуйся, похвало обители монахов и всея
страны нашея.

Радуйся, преподобная мати Зосимо, теплая о нас
к Богу молитвеннице.

Кондак 13

О, всехвальная и предивная преподобная мати Зосимо, молимся и вопием ти всеусердно: прими малое сие от нас моление, умоли Милостивого Бога, да избавит нас от всяких бед и будущих мук, вопиющих: Аллилуиа, Аллилуиа, Аллилуиа. [Этот Кондак читается трижды.]

